



UNIVERSITÄTS-
BIBLIOTHEK
PADERBORN

Universitätsbibliothek Paderborn

Diplomatvm Belgicorvm Libri Dvo

Le Mire, Aubert

Brvxellis, 1627

21. Lotharius Francorum Rex, petente Emma coniuge, an. 976. villam Aines seu Haines restituit Iudithae Abbatiſſae Marchianensi.

urn:nbn:de:hbz:466:1-10903

habeat, nisi Abbas & Aduocatus, quem sibi ipsi vultem & necessarium elegerit.

Et vt hoc auctoritatis nostræ preceptum firmum & stabile permaneat, hanc chartam conscribi fecimus, quam & propria manu subtus firmauimus, annulique nostri impressione signari iussimus.

Signum Domini OTTONIS, magni & inuictissimi Imperatoris Augusti,

Luidolphus Cancellarius, ad vicem Wilhelmi Archicapellani, recognoui.

Datum XI. Kalend. Februarij, anno Dominicæ Incarnationis 966. DCCCC. LXVI. Indictione nona, anno regni Domini Ottonis XXXI. Imperij verò III.

Actum Traiecto, in Dei nomine feliciter, amen.

NOTATIONES.

OTHO I. Imp. patri suo Henrico Aucupi, an. 936. die 2. Iulij defuncto, in regnis Germaniæ & Lotharingiæ successit. Anni 962. initio, Romæ à Ioanne Papa est coronatus Imperator; vt Regino & Flodoardus testantur. Obijt an. 973. die 7. Maij.

Successit OTHO II. filius eius, iam ante, petente patre, ab eodem Ioanne Papa Romæ Rex & Cæsar coronatus; videlicet sub finem anni 967. vt idem Regino narrat. Ab ista coronatione, anni tam regni quàm Imperij Othonis II. deducuntur in diplomatibus.

WOMARVS) idem, fuit Abbas S. Bauonis Gandensis; vt ex diplomate Othonis II. colligi videtur, quod in Codice donationum piarum cap. 39. produxi.

CAPVT. XXI.

Lotharius Francorum Rex, petente Emma coniuge, an. 976. villam Aines restituit Iudithæ Abbatisse Marchianensi.

IN nomine sanctæ & indiuiduæ Trinitatis. LOTHARIVS misericordia Dei Francorum Rex. Si seruorum Dei utilitatibus subueniendo conferimus, profuturum nobis hoc ad æternam beatitudinem fore, nullo modo ambigimus.

F 3

Qua-

Quapropter nouerit omnium sanctæ Dei Ecclesiæ fidelium, nostrorumque tam præsentium quam & futurorum industria, quod carissima coniux nostra HEMMA, adiens nostram præsentiam, humiliter deprecata est, ut quandam villam, nomine *Aines*, quæ tempore Arnulfi Comitis, sororibus & fratribus in cœnobio S. Rictrudis degentibus, iniuste sublata fuerat, ob remedium nostrarum animarum, seu antecessorum nostrorum præcedentium, iam dicto cœnobio redderemus.

Cui assensum præbentes, more prædecessorum nostrorum Regum, reddimus atque concessimus prædictam villam *Aines*, in integrum cum omnibus ad se pertinentibus, ut deinceps habeant, tam Abbatissa Iudith, quam prædictæ sorores, nec non fratres ipsius monasterij S. Rictrudis, potestatem faciendi quicquid voluerint, sine vlla nostra, successorumque nostrorum prohibitione.

Et si quis eis per quoduis ingenium auferre quæsiuerit, iram Dei omnipotentis, & beatæ Rictrudis, Sanctorumque omnium incurrat, libras verò auri persoluat C. medietatem Camerae nostræ, medietatem verò prædicto monasterio.

Et ut firmitus maneat hoc, inconvulsamque seruetur, manu propria subtersignauimus, & annulo nostri palatij iussimus insigniri.

Signum domini Lotharij gloriosissimi Regis.

Adalbero Notarius, ad vicem Domni ADALBERONIS Archiepiscopi, summi que Cancellarij, recognouit & subscripsit.

Anno
976.

Actum Doacense castello, anno Dominicæ Incarnationis DCCCC LXXVI. regnante domino Lothario, anno XXII. feliciter.

NOTATIONES.

De Marchianensi monasterio ad Scarpum fl. tertio lapide à Duaco, à S. Rictrude fundato (quod olim vtriusque sexus fuit) vide Origines nostras Benedictinas, & supra cap. 16

LOTHARIUS) Francorum Rex, frater fuit CAROLI Lotharingæ nostræ Ducis ab Othone II. Imp. an. 977. creati, & an. 986. viuere desijt. Vxorem habuit Himmam, siue Emmam.

ARNULFI) Comitis Flandria.

AINES)

AINES) vicus est prope Bassam, Artesiæ opidum, quem hodieque Marchianenses possident.

DOACENSE castellum) hodie Duacum, *Donay*, Flandriæ opidum, ad fl. Scarpum, Academia per Philippum II. Regem Catholicum an. 1562. nobilitatum: quod fuse describit Buzelinus in sua Gallo-Flandria.

C A P V T X X I I.

Lotharius Francorum Rex, petente Emma coniuge sua, Mareolensi monasterio, prope Atrebatum sito, an. 977. restituit pradia, eidem à Fulberto Episcopo Cameracensi & alijs attributa.

IN nomine sanctæ, & indiuiduæ Trinitatis. Diuina præordinante gratia Rex **LOTHARIUS**.

Si in diuinis cultibus Ecclesiam Dei ad summum sanctæ religionis statum sustollere conamur, ab ipso omnium bonorum remuneratore confidimus nobis fore compensandum.

Igitur notum esse volumus omnibus sanctæ Dei Ecclesiæ fidelibus, præsentibus & futuris, quoniam nostræ dignitatis præsentiam dilecta coniux nostra **EMMA** adiens, nobis retulit dolendo, quoddam cœnobium, à venerabili Fulberto præfule, sub regulari Canonicorum norma, nobiliter secus Atrebatum, super Satis fluenta, olim constructum fuisse, quod situm est in villa, quæ dicitur **MAREOLVM**, nunc verò penitus destructum per violentiam sæcularium, & nimiam cupiditatem Theudonis Episcopi, remotis inde omnibus, quæ prædictus Fulbertus eiusque successores tradiderunt cœnobio S. Amandi & S. Bertiliæ, ad opus fratrum, ob remedium animarum suarum, nostrorumque antecessorum.

Quocirca prælibata coniux nostram reuerenter expetijt munificentiam, vt concessas res, præcepti nostri munimine, iam dicto monasterio corroborare dignaremur.

Nos verò interuentu dilectæ coniugis nostræ **Emma**, fidelisque **Dridonis**, ob spem diuinæ remunerationis, pro statu & incolumitate regni nostri, piæ petitioni assensum præbuimus, & iam dictas res Canonicis prælibati monasterij reddi præcipimus:

Scilicet manium in Dominicatu, quod Fulbertus Episcopus